

UPUTSTVO ZA PACIJENTA

Prije upotrebe pažljivo pročitajte ovo uputstvo prije nego počnete uzimati ovaj lijek jer sadrži Vama važne podatke!

Uputstvo sačuvajte. Možda ćete željeti ponovo da ga pročitate.

Ako imate dodatnih pitanja, obratite se svom ljekaru ili farmaceutu.

Ovaj lijek je propisan lično Vama i ne smijete ga dati drugome.

Drugome ovaj lijek može da škodi, čak i ako ima znake bolesti slične Vašima.

Ako primjetite bilo koju nuspojavu, potrebno je obavijestiti ljekara ili farmaceuta.

Δ RHINOZAD, 60 mg + 2,5 mg, tablete
pseudoefedrin, triprolidin

Sadržaj uputstva:

1. Šta je lijek RHINOZAD i za šta se koristi
2. Prije nego počnete uzimati RHINOZAD
3. Kako uzimati RHINOZAD tablete
4. Moguća neželjena dejstva
5. Kako čuvati RHINOZAD tablete
6. Dodatne informacije

1. Šta je lijek RHINOZAD i za šta se koristi

RHINOZAD tablete su lijek koji se koristi za olakšavanje simptoma prehlade, gripa i alergija uključujući šmrkanje, curenje iz nosa, suzne oči, zapušten nos i začepljene sinuse. RHINOZAD sadrži pseudoefedrin hidrohlorid, koji olakšava začepljenje nosa i sinusa, i triprolidin hidrohlorid, koji je antihistaminik i koji pomaže da prestanu šmrkanje, curenje iz nosa i suzenje. RHINOZAD tablete su namijenjene za odrasle i djecu stariju od 12 godina.

2. Prije nego počnete uzimati RHINOZAD

RHINOZAD je pogodan za većinu odraslih i djece starije od 12 godina, ali neki ljudi ne treba da ga koriste. Ako niste sigurni razgovarajte sa svojim ljekarom ili farmaceutom.

Nemojte uzimati RHINOZAD tablete ako:

- ste nekada imali alergijsku reakciju na bilo koji sastojak lijeka (vidjeti dio 6).
- imate preaktivnu štitnu žlijezdu.
- imate glaukom (povišen očni pritisak).
- imate problem sa prostatom (teškoće sa mokrenjem ili učestalo mokrenje).
- imate veoma visok krvni pritisak ili teško oboljenje srca.
- koristite ili ste u protekle dvije sedmice koristili lijekove protiv depresije koji se nazivaju inhibitori monoamin oksidaze (MAOI).
- uzimate furazolidon (antibakterijski lijek).
- uzimate druge simpatomimetičke lijekove (stimulanse ili lijekove koji smanjuju apetit i lijekove za liječenje kongestije (začepljenja) i astme).

Ako se bilo šta od navedenog odnosi na Vas razgovarajte sa svojim ljekarom ili farmaceutom prije nego što počnete da koristite RHINOZAD tablete.

Kada uzimate lijek RHINOZAD, posebno vodite računa ako:

- imate probleme sa jetrom ili bubrezima.
- imate visok krvni pritisak ili oboljenje srca.
- imate šećernu bolest (dijabetes) ili ako Vam je Vaš ljekar rekao da ne podnosite neke šećere.
- konzumirate alkohol.
- imate epilepsiju.

Primjena drugih lijekova

Kažite svom ljekaru ili farmaceutu ako koristite, ili ste do nedavno koristili bilo koji drugi lijek, uključujući i one koji se mogu nabaviti bez ljekarskog recepta.

Potreban je oprez ako koristite bilo koji od sljedećih lijekova:

- sedative i trankvilizere (za ublažavanje zabrinutosti i napetosti).
- antihipertenzive (lijekovi protiv visokog krvnog pritiska kao što su gvanetidin, rezerpin, metildopa, alfa i beta blokatori, debrisoquin, brelilij i betanidin).
- tricikličke antidepressive (koriste se za liječenje poremećaja raspoloženja).
- halogenovane anestetike (kao što su hlороform, ciklopropan, halotan, enfluran ili izofluran).
- Ako imate respiratorna stanja kao što je emfizem (nedostatak daha sa kašljem), hronični bronhitis ili akutnu ili hroničnu bronhijalnu astmu.

Ako niste sigurni koje lijekove koristite pokažite bočicu ili pakovanje svom farmaceutu. Ako se bilo šta od navedenog odnosi ili se odnosilo na Vas razgovarajte sa svojim ljekarom ili farmaceutom.

Trudnoća i dojenje

Prije nego što počnete da koristite neki lijek, posavjetujte se sa svojim ljekarom ili farmaceutom.

Upravljanje vozilima i mašinama

Δ- Trigonik, lijek sa mogućim uticajem na psihofizičke sposobnosti. Prilikom korištenja takvog lijeka zahtjeva se oprez kod rukovanja motornim vozilima i mašinama.

Δ RHINOZAD može izazvati pospanost, smanjenu pažnju i oslabiti sluh. Ako koristite lijek nemojte voziti ili upravljati mašinama.

Ostala upozorenja

RHINOZAD sadrži laktozu. Ako Vam je ljekar rekao da ne podnosite neke šećere razgovarajte sa njim/njom prije nego što počnete da koristite lijek.

3. Kako uzimati RHINOZAD tablete

Lijek RHINOZAD uzimajte uvijek prema preporukama svog ljekara. Ako niste sasvim sigurni, provjerite sa svojim ljekarom ili farmaceutom.

- Lijek je namijenjen samo za peroralnu upotrebu.
- Ne uzimajte više lijeka nego što je navedeno u tabeli.

Djeca mlađa od 12 godina

RHINOZAD tablete nisu namijenjene za djecu mlađu od 12 godina.

Odrasli i djeca starija od 12 godina

Jedna tableta svakih 4 do 6 sati do 4 puta dnevno.

Treba da prođe najmanje 4 sata između doza.

Nemojte uzeti više od 4 doze u toku 24 sata.

Ako simptomi traju ili se pogoršaju razgovarajte sa svojim ljekarom.

Ako ste uzeli više lijeka RHINOZAD nego što je trebalo

Ako ste uzeli više tableta od onoga što Vam je preporučeno odmah tražite medicinsku pomoć.

Ponesite sa sobom ovo uputstvo ili pakovanje da pokažete ljekaru.

Ako ste zaboravili da uzmete lijek RHINOZAD

Nikada ne uzimajte duplu dozu da nadomjestite propuštenu!

Ako ste zaboravili da uzmete dozu uzmite sljedeću dozu po potrebi, pod uslovom da je prošlo najmanje 4 sata od uzimanja prethodne doze.

4. Moguća neželjena dejstva

Lijek RHINOZAD, kao i drugi lijekovi, može da ima neželjena dejstva, mada se ona ne moraju ispoljiti kod svih.

Ako se kod Vas pojavi bilo šta od sljedećih neželjenih dejstava odmah prestanite da koristite lijek i razgovarajte sa svojim ljekarom:

- Neki korisnici su imali halucijacije, ali je to bilo rijetko.
- Tremor (drhtanje ruku), epilepsija.
- Visoka temperatura.

- Ponekad se kod korisnika može pojaviti ospa sa svrabom.
- Kod nekih korisnika bili su ubrzani otkucaji srca.
- Kod nekih muškaraca, a posebno onih koji imaju probleme sa prostatom, mogu se javiti problemi sa mokrenjem.

Ostali efekti mogu da budu:

Često (javljaju se kod manje od 1 na 10 korisnika, ali 1 ili više na 100 korisnika)

- Nesanica
- Nervoja
- Vrtoglavica
- Suva usta
- Mučnina

Neželjena dejstva čija se frekvencija ne može odrediti na osnovu dostupnih podataka:

- Osjećaj zabrinutosti
- Euforično raspoloženje
- Nemir
- Glavobolja
- Bockanje i gubitak osjećaja u rukama i nogama
- Psihomotorna hiperaktivnost (kod djece)
- Pospanost
- Promjena načina otkucaja srca
- Palpitacije (pojačani otkucaji srca)
- Suvo grlo
- Krvarenje iz nosa
- Suv nos
- Nelagodnost u trbuhu
- Povraćanje
- Svrab
- Ospa sa svrabom
- Bol prilikom mokrenja
- Nervoja
- Umor
- Povišen krvni pritisak

Ukoliko neko neželjeno dejstvo postane ozbiljno ili primjetite neko neželjeno dejstvo koje nije navedeno u ovom uputstvu, molimo Vas da o tome obavijestite svog ljekara ili farmaceuta.

Prijavljivanje sumnje na neželjena dejstva lijeka

U slučaju bilo kakvih neželjenih reakcija nakon primjene lijeka, potrebno je obavijestiti Vašeg ljekara ili farmaceuta. Ovo podrazumijeva sve moguće neželjene reakcije koje nisu navedene u ovom uputstvu o lijeku, kao i one koje jesu.

5. Kako čuvati RHINOZAD tablete

RHINOZAD tablete čuvajte van dohvata djece.

Čuvati na temperaturi do 25 °C u originalnom pakiranju.

Rok upotrebe:

2 godine. Nemojte koristiti RHINOZAD poslije isteka roka upotrebe naznačenog na pakovanju. Rok upotrebe ističe posljednjeg dana navedenog mjeseca.

Lijekove nemojte bacati u kanalizaciju, niti kućni otpad. Pitajte svog farmaceuta kako da otklonite lijekove koji Vam više nisu potrebni. Ove mjere pomažu očuvanju životne sredine.

Neupotrebljeni lijek se uništava u skladu sa važećim propisima.

6. Dodatne informacije

Šta sadrži lijek RHINOZAD

Aktivne supstance su: pseudoefedrin hidrohlorid i triprolidin hidrohlorid.

Pomoćne supstance:

Laktoza, monohidrat; skrob, kukuruzni; povidon (K25); magnezijum stearat.

Kako izgleda lijek RHINOZAD i sadržaj pakovanja

RHINOZAD, 60 mg + 2,5 mg, tablete - okrugle, ravne tablete, bijele do skoro bijele boje.

10 (1x10) tableta u blister pakovanju, u kutiji.

Režim izdavanja lijeka

Lijek se može izdavati bez ljekarskog recepta.

PROIZVOĐAČ (administrativno sjedište), PROIZVOĐAČ GOTOVOG LIJEKA (mjesto puštanja serije lijeka u promet) i NOSILAC ODOBRENJA ZA STAVLJANJE LIJEKA U PROMET:

ZADA Pharmaceuticals d.o.o.

Donji Bistarac b.b.

75300 Lukavac

Broj i datum dozvole za stavljanje gotovog lijeka u promet

Δ RHINOZAD, 60 mg + 2,5 mg, tablete: 04.-07.3-1-7236/20 od 15.06.2021.